



Uunga  
Inatsisartunut ilaasortaq  
Tillie Martinussen  
Suleqatigiissitsisut - Samarbejdspartiet

06-03-2019  
Suliap normua 2019 - 6262  
Akt. id. 9929579

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

## **Inunnut innarluutilinnut inatsisissaq pillugu § 37 naapertorlugu apeqquummut nr. 115-imut akissut**

Inunnut innarluutilinnut inatsisissaq pillugu Inatsisartut suleriaasaanni § 37 malillugu Naalakkersuisunut apeqquteqarsimavutit. Apeqqut uannut akisassanngorlugu innersuunneqarsimavoq.

### **1. Innarluutillit pillugit inatsisissaq iluarsisaq Naalakkersuisut tusarniutiginikuuat. Naatsorsuutigisinnaanerlutigu Innarluutillit pillugit Inatsisissaq nutaaq 2019-mi Ukiakkut Ataatsimiinnermi saqqummiunneqarsinnaassasoq?**

Aap. Inuit innarluutillit tapersorsorneqarnissaannut Inatsisartut inatsisissaattut siunnersuut nutaaq upernaakkut ataatsimiinnissamut UPA2019-imut oqaluuserisassanngorlugu nalunaarutigineqarpoq, taannalu immikkoortoq 205-itut inissinneqarpoq.

### **2. Tamanna siunertaanngippat taava suut pissutaappat Naalakkersuisut innarluutillit pillugit inatsisissamut siunnersuummik tulliani ataatsimiinnissamut saqqummiussisinnaannginnerannut?**

Apeqquummut 1-imut akissut takuuk.

### **3. Naalakkersuisut qinnuigaakka naatsumik nassuiaqqullugu Innarluutillit pillugit Inatsisissap siusinnerusukkut inatsisissamut 2017-mi Ukiakkut Ataatsimiinnermi immikkoortoq 20-tut saqqummiunneqartumut naleqqiullugu suut pingaarnertut assigiinngissutiginerai? Ajornanngippat aamma nukiit oqaatigeqquneqarput pissarsiarineqarsinnaasut eqqarsaatigalugit.**

- Inatsisissatut siunnersuutip sannaa annertuumik allanngortinneqarpoq. Atuisussanut annerusumik atoruminartuunissaanik kissaateqarnerminnik tamanna tunuliaquteqarpoq, taamaalilluni inatsisip sannaata kommunit sullissinermi nalinginnaasumik sullissinermi ingerlaasaat annertunerusumik malissammagu.

- Inatsimmi oqaatsinut "innarluut"-mmut aamma "annertuumik innarluut"-mmut tunngaviusumik paasinninnermi immikkoortitsisarneq peerneqarpoq. Suliani inatsisissatut siunnersuut malillugu suliarineqartuni, inuit ataasiakkaat pillugit aalajangersimasumik naliliisoqartassasoq 2019-imi siunnersuutip kingorna tamatigut piumasaqaataalerpoq.
- Inunnut 18-it sinnerlugit ukiulinnut meeqqanullu immikkoortitsisarneq 2019-imi siunnersuummi peerneqarpoq. Aalajangersakkat 2017-imi siunnersuutigineqartumiittut maannakkut siunnersuutigineqartumi arlallit ataatsimut allanneqarmata immikkoortitsisarnerup peerneqarnerata kinguneraa.
- Nalunaartussaataaneq pillugu aalajangersakkanik arlalinnik 2019-imi siunnersuut imaqarpoq. Aalajangersakkat taakku Meeqqat tapersorneqarnissaannut Inatsisartut inatsisaanni aalajangersakkat assigaat.
- Tapersiinissamut periarfissat pillugit nalunaarutit aqqutigalugit erseqqinnerusunik aalajangersaasoqarnissaa 2019-imi siunnersuummi arlalinnik tunngavilerneqarpoq.
- Maannakkut siunnersuut malillugu inummut nammineq angerlarsimaffimmini najugaqartumut ulluinnarni isumassuisumut aningaasatigut tapersiisoqassaaq.
- Inuup innarluutillip ulloq unnuarlu neqeroorummi najugaqarnissaa pillugu kommunalbestyrelsit aalajangiissasut, 2019-imi siunnersuummi aalajangerneqarpoq. Taamatuttaaq siunnersuummi qitiusumik innersuussisarfirmik ingerlatsinissaannik Naalakkersuisut pisussaaffilerneqarput, taamaalilluni ulloq unnuarlu paaqqinniffinnut suliaasaqarfimmi inissat qitiusumiit tamakkiisumik ataatsimut isigineqarsinnaaniassammata.

Inussiarnersumik inuulluaqqusillunga



Martha Abelsen